



Bosnia and Herzegovina  
Federation of Bosnia and Herzegovina

**CANTON SARAJEVO**  
Government

Broj: 02-04-27760-20.1/23  
Sarajevo, 15.06.2023. godine

Na osnovu člana 22. i 23. Zakona o državnoj službi u Kantonu Sarajevo („Službene novine Kantona Sarajevo“, broj: 31/16 i 45/19) i člana 7. i 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 34/03 i 65/13), a u vezi sa članom 4. stav (1) Odluke o standardima i kriterijima za imenovanje lica koja nisu državni službenici u organima državne službe Kantona Sarajevo („Službene novine Kantona Sarajevo“, broj: 10/17), te člana 27. i 28. Pravilnika o unutrašnjoj organizaciji Direkcije za robne rezerve Kantona Sarajevo („Službene novine Kantona Sarajevo“, broj: 15/21) Vlada Kantona Sarajevo, na 13. sjednici održanoj **15.06.2023.** godine, donijela je

## **JAVNI KONKURS ZA IZBOR I IMENOVANJE DIREKTORA DIREKCIJE ZA ROBNE REZERVE KANTONA SARAJEVO**

### **I Direktor Direkcije za robne rezerve Kantona Sarajevo**

*Opis poslova i radnih zadataka:* Rukovodi radom Direkcije, zastupa i predstavlja Direkciju i vrši naročito slijedeće poslove: organizira vršenje svih poslova iz nadležnosti Direkcije, donosi propise i druge opće i pojedinačne akte za koje je zakonom i drugim propisima ovlašten i u skladu sa zakonom i drugim propisima, odlučuje o korištenju finansijskih i materijalnih sredstava za koja je nadležan i odlučuje o pravima, dužnostima i odgovornostima državnih službenika i namještenika iz radnog odnosa ili u vezi sa radnim odnosom u Direkciji i vrši druge poslove koji su mu zakonom i drugim propisima stavljeni u nadležnost, te za svoj rad i upravljanje Direkcijom odgovara Vladi Kantona Sarajevo. U obavljanju poslova koji su u opisu ovog radnog mjesta obavezan je da primjenjuje politiku kvaliteta Kantona Sarajevo, te prati i primjenjuje sve usvojene procedure vezane za sistem upravljanja kvalitetom prema zahtjevima standarda ISO 9001. Za svoj rad i upravljanje Direkcijom odgovara Vladi Kantona Sarajevo.

### **II Opći uslovi koje kandidati moraju ispunjavati:**

- da je državljanin Bosne i Hercegovine,
- da je stariji od 18 godina,
- da ima univerzitetsku diplomu ili druge obrazovne i akademske kvalifikacije najmanje VII stepena stručne spreme odnosno visoko obrazovanje prvog, drugog ili trećeg ciklusa bolonjskog sistema studiranja,
- da je zdravstveno sposoban za obavljanje određenih poslova predviđenih ovom pozicijom,
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije,
- da se na kandidata ne odnosi član IV 1. Ustava Bosne i Hercegovine.

### III Posebni uslovi koje kandidat treba ispunjavati su:

- Stečena diploma visokog obrazovanja ili druge obrazovne ili akademske kvalifikacije najmanje VII stepena stručne spreme, odnosno visoko obrazovanje prvog ciklusa bolonjskog sistema studiranja koji se vrednuje sa 240 ETCS studijskih bodova ili drugog ili trećeg ciklusa bolonjskog sistema studiranja pravne struke ili završen ekonomski fakultet,
- najmanje pet godina radnog staža u struci, nakon sticanja tražene stručne spreme i
- da nije ranije osuđivan za krivično djelo.

### Uz prijavu na konkurs kandidati su dužni priložiti (orginal ili ovjerene kopije) traženih dokumenata:

- kraću biografiju, adresu stanovanja i kontakt telefon,
- uvjerenje o državljanstvu (ne starije od 6 mjeseci),
- izvod iz matične knjige rođenih (original ili ovjerena kopija),
- univerzitetsku diplomu ili druge obrazovne ili akademske kvalifikacije najmanje VII stepena stručne spreme, odnosno visoko obrazovanje prvog, drugog ili trećeg ciklusa bolonjskog sistema studiranja (original ili ovjerena kopija),
- potvrdu ili uvjerenje o traženom radnom stažu (potpisano i ovjerenu),
- izjavu da kandidat nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije, ovjerenu od strane nadležnog organa,
- izjavu da se na kandidata ne odnosi član IX 1. Ustava Bosne i Hercegovine, ovjerenu od strane nadležnog organa,
- izjavu da nije ranije osuđivan za krivično djelo, ovjerenu od strane nadležnog organa.

### Napomene:

- Prije imenovanja na predviđenu poziciju, predloženi kandidat dužan je dostaviti uvjerenje o radnoj sposobnosti (ljekarsko uvjerenje), kao dokaz da je zdravstveno sposoban za vršenje određenih poslova predviđenih ovom pozicijom.
- Dokaz neosuđivanosti pribavlja organ imenovanja po službenoj dužnosti prije imenovanja kandidata na predviđenu poziciju.
- Za sprovođenje konkursne procedure po ovom Javnom konkursu formirat će se Komisija za izbor.
- Javni konkurs se sprovodi u skladu sa Zakonom o državnoj službi u Kantonu Sarajevo („Službene novine Kantona Sarajevo“, broj: 31/16 i 45/19), Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 34/03 i 65/13) i Odlukom o standardima i kriterijima za imenovanje lica koja nisu državni službenici u organima državne službe Kantona Sarajevo („Službene novine Kantona Sarajevo“, broj: 10/17).
- Direktor Direkcije za robne rezerve Kantona Sarajevo imenuje se na period od pet (5) godina, uz mogućnost ponovnog imenovanja u skladu sa članom 27. stav (2) Zakona o državnoj službi u Kantonu Sarajevo.

### Dodatna napomena:

- Prije postavljenja, odnosno prijema u radni odnos, za sve kandidate sa liste uspješnih kandidata, obaviti će se sigurnosne provjere u skladu sa postupkom za izdavanje dozvole za pristup tajnim podacima određenog stepena povjerljivosti, shodno odredbi čl. 30. i 31. Zakona o zaštiti tajnih podataka („Službeni glasnik BiH“, broj: 54/04 i 12/09), kao i odredbama podzakonskih akata donesenih na osnovu navedenog Zakona.
- U skladu sa članom 31. Zakona o zaštiti tajnih podataka neće se izvršiti postavljenje, odnosno imenovanje kandidata, za kojeg se nakon plasmana na listu uspješnih kandidata utvrdi sigurnosna smetnja.



Javni konkurs ostaje otvoren 15 (petnaest) dana od dana posljednjeg objavljivanja u „Službenim novinama Federacije BiH“ ili „Službenim novinama Kantona Sarajevo“ ili dnevnom listu.

Nepotpune, neblagovremene i neuredne prijave, prijave kandidata koji ne ispunjavaju uslove ovog konkursa, kao i kopije tražene dokumentacije koje nisu ovjerene, neće se uzeti u razmatranje.

Prijave sa traženom dokumentacijom dostaviti u zatvorenoj koverti lično ili putem pošte preporučeno na adresu: KANTON SARAJEVO, ul. Reisa Džemaludina Čauševića br. 1, sa naznakom:

„Prijava na Javni konkurs za izbor i imenovanje direktora  
Direkcije za robne rezerve Kantona Sarajevo“



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Kabinet premijera Kantona Sarajevo,
5. Direkcija za robne rezerve Kantona Sarajevo (3x),
6. Za objavu u “Službenim novinama Kantona Sarajevo” (putem Direkcije za robne rezerve Kantona Sarajevo),
7. Za objavu u “Službenim novinama Federacije BiH” (putem Direkcije za robne rezerve Kantona Sarajevo),
8. Evidencija,
9. A r h i v a.